

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 102. sjednici, održanoj dana 12.04.2021. godine, d o n o s i

## ZAKLJUČAK

### I.

Prihvata se Mišljenje Ministarstva unutrašnjih poslova po Inicijativi Grada Visokog a u vezi sa dopunom Zakona o javnom redu i miru - Prečišćen tekst („Službene novine Zeničko-dobojskog kantona“, broj: 12/16 i 6/17).

### II.

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

### III.

Zaključak stupa na snagu danom donošenja.

**PREMIJER**

*Mirnes Bašić*

Broj: 02-\_\_\_\_\_/21  
Datum, 12.04.2021. godine  
Zenica

DOSTAVLJENO:

1x Ministarstvo unutrašnjih poslova,  
1x Stručna služba Skupštine,  
1x a/a.



Broj: 08-02-06/1-02-1-626-3/21

Datum: 22.03.2021. godine

Skupština Zeničko-dobojskog kantona uputila je Ministarstvu unutrašnjih poslova Zeničko-dobojskog kantona inicijativu Grada Visoko, za dopunu Zakona o javnom redu i miru -prečišćen tekst ("Službene novine Zeničko-dobojskog kantona", broj: 12/16 i 6/17), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

## MIŠLJENJE

Razmatrajući dostavljenu inicijativu Grada Visoko, za dopunu Zakona o javnom redu i miru -prečišćen tekst ("Službene novine Zeničko-dobojskog kantona", broj: 12/16 i 6/17) Ministarstvo je mišljenja da se predložena Inicijativa prihvati i Zakon o javnom redu i miru dopuni na način da se prošire djela kojima se povređuje javni red i mir, tako da se nepostupanje po naredbi nadležnog organa kojim se propisuju mjere za zaštitu stanovništva od zaraznih bolesti smatra prekršajem protiv javnog reda i mira kao i kaznene odredbe za lica koja naprave navedeni prekršaj.

Navedena inicijativa se predlaže radi utvrđivanja zakonskog osnova za postupanje policijskih službenika na području Zeničko-dobojskog kantona u cilju provođenja naredbi nadležnih organa kojima se propisuju mjere zaštite stanovništva od zaraznih bolesti, što bi im omogućilo viši stepen samostalnog postupanja na terenu, ali i provođenje mjera za zaštitu stanovništva od zaraznih bolesti.

Dostavljeno: 2x Naslovu,  
1x a/a

S poštovanjem!

M I N I S T A R

Dario Pekić